

JAMUHURI YA MUUNGANO WA TANZANIA
OFISI YA WAZIRI MKUU
TAWALA ZA MIKOA NA SERIKALI ZA MITAA



MAELEKEZO YA KUJIUNGA NA SHULE YA
SEKONDARI SHELUI – IRAMBA MKOA WA SINGIDA



**OFISI YA WAZIRI MKUU,
TAWALA ZA MIKOA NA SERIKALI ZA MITAA
HALMASHAURI YA WILAYA IRAMBA
MKOA WA SINGIDA**

**SHULE YA SEKONDARI SHELUI
S.L.P 138,
KIOMBOI-IRAMBA**

Tarehe

MKUU WA SHULE: *JAMILA MOHAMED HASSAN*

Simu:0758 252426 / 0717 189519

MZAZI/MLEZI WA MWANAFUNZI:

**YAH: MAELEZO YA KUJIUNGA NA SHULE YA SEKONDARI SHELUI,
HALMASHAURI YA WILAYA YA IRAMBA MKOA WA SINGIDA**

1. Nafurahi kukutaarifu kuwa mwanao amechaguliwa kujiunga na kidato cha Tano katika shule ya sekondari iliyopo Wilaya ya **Iramba** katika Mkoa wa **Singida** mwaka **2025** katika Tahasusi ya HGK/HKL. **KARIBU SANA SHULE YA SEKONDARI SHELUI**
2. Shule ipo katika mji mdogo wa Shelui wilaya ya Iramba kilometa 94 kutoka Singida mjini. Na ipo mkabala na barabara ya Singida - Mwanza. Kuna kibao cha shule hapo barabarani.
3. Kama utapanda basi la moja kwa moja toka **MWANZA, BUKOBA, SHINYANGA, TABORA** kuelekea Dar Es Salaam na mabasi yote yenye uelekeo wa Kwenda Dodoma, Morogoro, Mbeya (barabara ya kati) atashukia kwenye kibao cha shule kilichoandikwa Shelui sekondari katika mji mdogo wa **SHELUI**.

4. Muhula wa masomo utaanza..... kama ilivyotangazwa kwenye vyombo vya Habari na Wizara inayoshughulikia masuala ya Elimu.

Aidha una muda mrefu wa kumuandaa mtoto hakuna sababu ya kuchelewa kuripoti shule! Ninasisitiza mwanafunzi afike shuleni mapema tarehe husika muda wa kuripoti ni kuanzia saa mbili asubuhi hadi saa kumi na moja na nusu jioni.

Kama kuna dharura tumia namba za shule kuutarifu uongozi.

2.1 MAHITAJI MUHIMU YA KUZINGATIA

SARE YA SHULE

- a) Sare ya shule ni sketi 2 za draft ndefu kufunika goti, kitambaa Kizito cha suti grade 1, **Aina ya kitambaa, rangi na mshono angalia ukurasa wa mwisho.** Endapo utazikosa, kitamba cha sare unaweza kuja nunua kwenye duka la shule shuleni kwa bei ya **SHILINGI 30,000 sketi Moja.**
- b) Mashati mawili meupe ya mikono mirefu (Aje nayo)
- c) Wanafunzi wanaovaa hijabu (kijuba) iwe nyeupe na ndefu kufika usawa wa nyonga, na hijabu zote ziwe za kitambaa cheupe aina ya babi au halua (**sio kitambaa cha mpira au aina nyingine**)
- d) Viatu vya shule ni vyeusi vya kufunga na kamba vyenye visigino vifupi, Jozi mbili (2)
- e) Sare ya michezo raba rangi nyeupe (jozi moja) na tracksuit rangi ya kijivu (jozi moja)
- f) Soksi nyeupe kuanzia jozi mbili (**STOCKING**)
- g) Sweta la rangi ya kijivu (mistari ya damu ya mzee kwenye mikono na shingoni) yenye shepu ya V mbele.
- h) Nguo ya kushindia ni Gauni rangi ya light green moja au mbili iwe na urefu kuvuka magoti. Sampo ya gauni, rangi na **mshono angalia ukurasa wa mwisho.**
- i) Aje na Tisheti mbili za kushindia rangi ya **DARK BLUE**
- j) Nguo za nyumbani haziruhusiwi kabisa isipokuwa aje na kanga/Kitenge kimoja tu, **atumia wakati wa kuoga.**

2.2 MAHITAJI MENGINE MUHIMU YA KUZINGATIA

- i. Madaftari makubwa (counter book quire 4) madaftari nane na madaftari ya msomi madogo 8 kwa ajili ya majaribio ya ndani.
- ii. Ream (A4) Mbili (2) kwa ajili ya shughuli za Kitaaluma.
- iii. Vitabu vya masomo ya tahasusi husika
- iv. Scientific Calculator kwa wanafunzi wanaosoma Geography. Aidha, aje na rimu moja la graph paper kwa ajili ya matumizi yake
- v. Godoro la sponji futi 2.5 inch 4 na mto wa kulalia

- vi. Mashuka Jozi 2. (light blue 1 na Pink 1) na foronya zake, blanket 1, foronya ya godoro 1, chandarua 1 (nyeupe);
- vii. Nguo za ndani za kutosha na taulo za kike za kutosha viii. Vyombo vya chakula (sahani, bakuli, kijiko na kikombe);
- viii. Ndoo 2 ndogo (lita Kumi) zenye mifuniko na dumu la lita tano la kuhifadhia maji ya Kunywa.
- ix. Pamoja na vifaa tajwa (number i-x), tahasusi zifuatazo wataleta vifaa hivi kwa mchanganuo ufuatao:
 - HKL: *Dawa ya chooni aina ya ARO, kwanja moja, soft bloom na jembe lenye mpini.*
 - HGK: *Ufagio wa kukaushia maji (squizer), Ufagio mgumu wa kusugulia sakafu nasabuni ya maji yakudekia chooni lita 5 na jembe lenye mpini.*
- x. Kila mwanafunzi aje na **BIMA YA AFYA**, kama hana bima ya afya aje na shilingi 50,400/= kwa ajili ya Bima kubwa ya mwaka mmoja.

2.3 MICHANGO YA UENDESHAJI WA SHULE

Kila mwanafunzi anatakiwa kuchangia Tsh. 80,000/= kwa ajili ya uendeshaji wa shule. Fedha hizo zilipwe kwenye akaunti ya shule **50601100047 – SHELUI SECONDARY SCHOOL A/C - NMB**

(tafadhali andika jina la mwanafunzi kwenye Bank pay in slip) aje nayo anaporipoti shule. Mchanganuo huo ni kama ifuatavyo:-

Na	AINA YA MCHANGO	KIASI
1	Michango ya uendeshaji wa shule	65,000/=
2	Tahadhari	5,000/=
3	Nembo	5,000/=
4	Kitambulisho cha shule	5,000/=
	JUMLA	80,000/=

3. SHERIA NA KANUNI MUHIMU ZA SHULE

Shule inaendeshwa kwa mujibu wa Sheria ya Elimu Na. 25 ya mwaka 1978 na kama ilivyo rekebishwa kwa Sheria Na. 10 ya mwaka 1995. Aidha, inazingatia miongozo yote inayotolewa na Wizara ya Elimu, Sayansi na Teknolojia yenye dhamana ya elimu na Ofisi ya Rais – TAMISEMI yenye jukumu la usimamizi na uendeshaji wa elimu nchini. Unatakiwa kuzingatia mambo ya msingi yafuatayo ambayo yanafafanuliwa kwa maandishi na utapewa nakala yake mara baada ya kuripoti shuleni. Mambo hayo ni pamoja na;

3.1 SHERIA NA KANUNI ZA SHULE

- i. Heshima kwa viongozi, wazazi, wafanyakazi wote, wanafunzi wengine na jamii kwa ujumla ni jambo la lazima.;
- iii. Mahudhurio mazuri katika kila shughuli ndani na nje ya shule kulingana na ratiba ya shule;
- iii. Kushiriki kwa kikamilifu masomo ya usiku (Preparation);
- iv. Kuwahi katika kila shughuli za shule utakazopewa;
- v. Kufahamu mipaka ya shule na kuzingatia kikamilifu maelekezo ya kuwepo ndani na nje ya shule ya mipaka hiyo wakati wote wa uanafunzi wako katika shule hii;
- vi. Kutunza usafi wa mwili, mavazi na mazingira ya shule;
- vii. Kuvaa sare ya shule wakati wote unapotakiwa;
- viii. Kuzingatia ratiba ya shule wakati wote;
- ix. Kutunza mali za shule;
- x. Ni marufuku mwanafunzi kumiliki vifaa vyenye ncha kali na dawa bila idhini ya daktari; na
- xi. Mwanafunzi haruhusiwi kubadili dini wala kumshawishi mwanafunzi mwenzake kubadili dini wawapo shuleni.

MUHIMU:

- *Hairuhusiwi kabisa mwanafunzi kuja na simu shuleni na endapo atabainika kuwa nayo au ameifadhi kwa mtumishi wa shule atachukuliwa hatua kali ikiwemo kurejeshwa nyumbani;*
- *Kila Mwanafunzi atatakiwa kulala katika Bweni alilopangiwa na kitanda alichopangiwa ,Hairuhusiwi mwanafunzi zaidi ya mmoja kulala kitanda kimoja na endapo watabainika kufanya kosa hilo la kimaadili hatua kali itachukuliwa ikiwemo kuwarejesha nyumbani;*
- *Mwanafunzi ataruhusiwa kurudi nyumbani kwa kibali maalum toka kwa Mkuu wa Shule. (Iwe msiba au ugonjwa)*

3.2 MAKOSA YATAKAYOSABABISHA MWANAFUNZI KUFUKUZWA SHULE NI PAMOJA NA:

- i. Wizi wa mali za shule, mali za watumishi, za jamii na mali za wanafunzi wengine;
- ii. Kutohudhuria masomo kwa zaidi ya siku 90 bila taarifa/utoro;
- iii. Kugoma na kuhamasisha mgomo;
- iv. Kutoa lugha chafu kwa wanafunzi wenzake, walimu/walezi na jamii kwa ujumla;
- v. Kupigana mwanafunzi kwa mwanafunzi, kumpiga mwalimu au mtu yeyote yule;
- vi. **Wanafunzi wote wanatakiwa kuwa na nywele fupi wakati wote wawapo**

shuleni

NB: Shelui Sekondari wanafunzi wote wanatakiwa kuwa na nywele fupi.

- vii. Ulevi au unywaji wa pombe na matumizi ya dawa za kulevya;
- viii. Uvutaji wa sigara;
- ix. Uasherati, mahusiano ya jinsi moja, kuoza au kuolewa;
- x. Kupata ujauzito au kutoa mimba;
- xi. Kushiriki matendo ya uhalifu, siasa na matendo yoyote yale yanayovunja sheria za nchi;
- xii. Kwenda kwenye nyumba za starehe na nyumba za kulala wageni;
- xiii. kutoka nje ya shule bila ruhusa au kulala nje ya shule Bila kibali cha Mkuu wa Shule
- xiv. Kumiliki, kukutwa au kutumia simu ya mkononi katika mazingira ya shule;
- xv. Kudharau Bendera ya Taifa;
- xvi. Kufanya jaribio lolote la kujiua, au kutishia kujiua kama kunywa sumu; na
- xvii. Uharibifu wa mali ya umma kwa makusudi.

7. E.N.T problems.....
8. Defects of the left and right eye.....
9. Defect of the chest.....
10. Does he/she have any CHRONIC or FAMILY diseases Eg. Epilepsy, sickle cell etc.

I have examined Mr. /Miss and I certify that he/she is physically to pursue student duties as stated above.

.....
.....

Name and Signature of the medical officer
Date

Stamp

OFISI YA WAZIRI MKUU
TAWALA ZA MIKOA NA SERIKALI ZA MITAA HALMASHAURI YA
WILAYA YA IRAMBA SHULE YA SEKONDARI
SHELUI

FOMU YA HISTORIA YA MWANAFUNZI

1. Jina _____ la _____ mwanafunzi
.....
2. Tarehe ya Kuzaliwa Wilaya
.....
3. Mahali _____ alipozaliwa
.....
4. Dini (Mkristo/Muislamu)
5. Matatizo ya kiafya (kama yapo)
6. Jina _____ la _____ baba _____ mzazi
..... yuko hai/amefariki
7. Kama amefariki taja mwaka aliofariki
8. Jina _____ la _____ mama _____ mzazi
..... yuko
hai/amefariki
9. Kama amefariki taja mwaka aliofariki.....
10. Wewe ni mtoto wa ngapi kuzaliwa kwenye familia yenu
11. Jina _____ la _____ mlezi _____ (kama _____ haulelewi _____ na _____ wazazi)
.....
12. Anuani _____ ya _____ mzazi/mlezi
.....
13. Jina _____ la _____ kijiji utokacho kata
.....
14. Kazi afanyayo mzazi/mlezi..... Namba ya
simu.....
15. Sehemu _____ anakofanyia _____ kazi
.....
16. Kazi ambayo ungependa kufanya baada ya kumaliza masomo
.....
17. Habari zingine za jamaa wa familia

SN	JINA	UHUSIANO	KAZI YAKE	SIMU
1				
2				
3				
4				

18. SAINI YA MZAZI/MLEZI
SAINI YA MWANAFUNZI

TAREHE
TAREHE

OFISI ZA WAZIRI MKUU

TAWALA ZA MIKOA NA SERIKALI ZA MITAA HALMASHAURI YA WILAYA YA IRAMBA SHULE YA SEKONDARI SHELUI

SHERIA, KANUNI NA TARATIBU ZA SHULE

Shule ya sekondari ya Shelui inaongozwa kwa mujibu wa kanuni na Taratibu za shule za Sekondari. Aidha, kila mwanafunzi anapaswa kufuata sheria na kanuni zote zilizowekwa wakati wote uwapo ndani na je ya shule.

Kila mwanamafunzi ni lazima atii kanuni na taratibu za shule kwa kuzingatia mambo yafuatayo.

(i) **Nidhamu ni jambo la muhimu kwa kila mwanafunzi. Ili kuonesha nidhamu kila mwanafunzi ni lazima afanye yafuatayo:**

- Kuwa na **Heshima** kwa watu wote, wakubwa kwa wadogo
- Kuwa na **Ushirikiano** na wanafunzi wenzake, walimu, watumishi wasio walimu najamii kwa ujumla.
- Kutokufanya **Makosa** ambayo yanaweza kumsimamisha ama kufutwa shule.
- Kuvaa **Mavazi ya Heshima** wakati wote awapo shuleni na nje ya shule.
- Kuwa na **Utii** (kwa amri halali) kwa viongozi, walimu, watumishi wa sio walimu, wazazi na jamii kwa ujumla.
- **Utunzaji wa mali** zake binafsi, na mali za shule
- **Uvumilivu** kwa wanafunzi wenzake, walimu na watumishi wasio walimu.

(ii) **Mahudhurio ni jambo la muhimu pia kwa kila mwanafunzi. Kila mwanafunzi kufanya yafuatayo:**

- Kutokuwa **Mtoro** kwa Kuhudhuria shuleni kila siku (siku 194) za masomo.
- Kutimiza **Wajibu** wake kama mwanafunzi awapo shuleni kwa kusoma kwa bidii.
- Kufuata **Ratiba ya shule** wakati wote bila kuzembea.
- **Kuwahi** Shuleni kila siku za masomo saa 12:30 asubuhi.
- *Kila mwanafunzi anapaswa kutii **Wito wa dharura**, kwa kuhudhuria mahali alipoitwa.*

(iii) **Sare za shule ni jambo la muhimu. Kila mwanafunzi ni lazima:**

- Azingatie kuwa na Aina za sare za shule kama alivyoelekezwa katika barua ya kujiunga na shule.
- Azingatie Matumizi sahihi ya sare za shule. Uvaaji wa mlegezo (kata K) hauruhusiwi.
- Azingatie Aina ya mshono wa sare ulioelekezwa. Aidha, sketi fupi kwa wasichana haziruhusiwi. Sketi kwa wasichana ni lazima ivuke goti. Ifike angalau sehemu ya mguu kati ya goti na sehemu ya kukanyagia (kiatu). Suruali za kubana (modal) kwa wavulana haziruhusiwi. Ukibainika umevaa suruali ya kubana, itachanwa kwa mkasi ama wembe.

(iv) **Usafi**

- Kila mwanafunzi ni lazima awe Msafi wa mwili wakati wote.
- Kila mwanafunzi ni lazima Avae Mavazi safi wakati wote.
- Kila mwanafunzi ni lazima ahakikishe Mazingira (vyumba vya madarasa, vyoo, hosteli, jiko, ofisi za walimu n.k) ya shule ni safi

Yafuatayo ni makosa Yanayoweza kusababisha Mwanafunzi Kufukuzwa Shule

- (i) Wizi
- (ii) Kumiliki na kutumia simu bila ruhusa awapo shuleni.
- (iii) Uasherati, ubakaji, ushoga, ulawiti na usagaji.
- (iv) Ulevi na matumizi ya madawa ya kulevya, biashara ya madawa yote ya kulevya.
- (v) Makosa mengine ya Jinai.
- (vi) Kupigana au kupiga mwanafunzi mwenzake, au mtumishi
- (vii) Kuharibu mali ya umma na ya watu wengine.
- (viii) Kudharau Bendera ya Taifa, Picha za viongozi wa Taifa, Nembo ya Taifa, Wimbo wa Taifa na fedha za Taifa
- (ix) Kuoja au kuolewa.
- (x) Kupata mimba au kusababisha mimba ndani na nje ya shule. (ix) Kutoa au kushawishi kutoa mimba.
- (xi) Kugoma, kuchochea na kuongoza au kuvuruga amani na usalama wa watu shuleni.
- (xii) Kukataa adhabu halali.
- (xiii) Kujiachisha shule mwenyewe.

KIAPO CHA UTII

Mimi
ambaye ni mwanafunzi wa shule ya sekondari Shelui, nimesoma na kuzielewa sheria, kanuni na taratibu za shule kama zilivyoielezwa hapo juu. Naahidi kwa hiari yangu mwenyewe, nikiwa na akili timamu na bila kushurutishwa na mtu yeyote kuwa NITATII. Na endapo nitathibitika kuwa nimekaidi sheria, kanuni na taratibu hizi, uongozi wa shule usisite KUNICHUKULIA HATUA STAHIKI. Mwenyezi Mungu nisaidie.

.....
Jina la mwanafunzi

.....
Saini ya Mwanafunzi

.....
Tarehe

.....
Jina la mzazi/mlezi

.....
Saini ya mzazi/mlezi

.....
Tarehe

.....
JAMILA MOHAMED HASSAN

MKUU WA SHULE

SKIRT YA SHULE



SHAMBA DRESS

